

佛學半月刊

發行處 上海愚園路五一號佛學書局電話三五五二

演講

天津全體佛教全人歡迎大會 答辭

圓瑛

今天叨承佛教各團體。諸位居士。各界諸君。開會歡迎。一番盛意。十分感激。圓瑛近年在滬。閉門著述。謝絕一切。足不出戶者。已有三年。此次來津講經。因久慕天津。信仰佛教之人日多。皆由居士林林長。新總理實心提倡。不獨自行。而且化他。乘願再來。為現世維摩居士。內秘菩薩行。外現居士身。以自已於佛法。既有深造。而得受用。欲令天津人人學佛。皆得利益。故約圓瑛前來講經。圓瑛亦甚願與北方各界。結一段法緣。故不憚千里而來。今天得與諸位。聚會一堂。都是有大因緣。亦是新總理之所成就也。諸位當知佛教是最好一種宗教。不獨是出世間法。也有世間法。不必一定出家學佛在家也可以學佛。佛教以因果之說。範圍人心。佛言有善因。則感善果。有惡因。則感惡果。如種甘蔗則得甘蔗。種黃連則出黃連。欲使人人知因果。自然不為諸惡。力行衆善。此即可以挽回劫運。不難轉亂世為和平。望當局長官。實行提倡佛教。則為教即所以為國也。此但就佛說世間法。淺近因果言之。若進一步學佛無我之法。人人不起我執。則世界自然和平。人人自得安樂。何以見得。都因世人。認着此身為我。把我之一字。看不破。既然有我。則必有人。既有人我。則有是

小我。不得和平者。皆由我字所造成。而我執由小我。先但認一身為我。然後有了妻子。則有我之家庭。與家資產。則有我之財產。再推而廣之。則有我親族。我鄉黨。我國家。種種界限。佛說無我之法。教人打破一切我執。我身本不有。人見復何存。人我雙亡。是非自息。門爭何自而生。則世界不求和平。而自然和平矣。再進一步。而學佛教大乘菩薩。捨已利他之法。不獨身外之財物可捨。如若有利於衆生。即身命亦復可捨。我佛釋迦牟尼。過去因中。不惜身命布施。所以成就偉大人格。得成佛。現在各處生活程度日高。苦難人民日衆。若無人救濟。必至死亡。望諸位學佛修行。捨自己之有餘。濟他人之不足。捨自己之資財。救他人之身命。此乃是真學佛。此乃是在家活菩薩。望諸位既信佛。必宜學佛。先由佛教團體。同心同德。聯合一致。領導各居士。都做在家活菩薩。都做苦難人民之救星。是所望焉。還希諸位賜教。則幸甚矣。

唯識三十論本頌開題講義

寄東

一緒言

本社八識規矩頌講畢。今繼唯識三十頌者。所以資復習而補不足也。何以故。規矩頌雖明八識之性量行相轉依等。而於助伴之心所未詳明。義。三十頌則全列名相。一也。規矩頌依轉智不同。分八識為四類。三十頌依能變轉而分為三類。二也。規矩頌雖明轉依之位次。未敘歷位之始終。三十頌則全敘唯識行位。三也。規矩頌但於前五識明不行位。三十頌則六識七識不行位俱明。四也。至於八識相性之判。唯識

卷 11
第 15 號
第 258 期

本期要目

演講：天津佛教會同人歡迎大
會答辭。圓瑛
唯識三十論本頌講義。寄東
文錄：蘇州西園戒幢律寺同戒
錄序。同戒
妙月老和尚六秋壽序。廣
無量壽經四十八願頌。許
論說：修行不宜希冀神通。洪
閱藏論。清
寒苦出好僧。馬志芳
佛學答問。卅九則
消息：四則
雜載：毘盧寺徵求名人書畫啓
結緣放生集資小啓

第十一卷第十五號

第二五八期

中華民國三十一年

八月一日出版

主編者 佛學半月刊社

地址：上海膠州路十一廿廿號

誦早晚功課。但念彌陀佛號具足信願（往生淨土之願）。已得往生。安用誦課回向耶。

答 二十、敬友懺悔之方。甚對。如欲作法。可於佛像前。禮拜長跪合掌。誦偈「我昔所造諸惡業。皆由無始貪瞋癡。從身語意之所生。一切我今皆懺悔。」起立禮拜而退。

廿一、「往生助念團」。最好。但須以純潔心。勇敢心。如消防隊然。方法有飭終津梁一書。可向佛學書局及弘化社。請來參攷。

答 廿二、三輪體空」者。卽指行布施度時。施者。受者。及施物。皆不可着相。了達三者。當體卽空。如夢中事。了不可得。此謂三輪體空也。



守培法師在玉佛寺講經

鎮江超岸寺寺培培法師。著年碩德。著作等身。今受本埠玉佛寺寄震華法師之請。於農曆六月初十日至二十三日。在嚴佛七期內。宣講普賢行願品。聞法師已於日前來滬。就任上海佛學院特座講師。訪問者日有所起。預料法會開始。必更有一番盛況云。

天津佛教居士林。自請圓瑛老法師講演以來。聽衆日恆數百人。近以津市久旱不雨。深妨農事。該林又請圓老法師領衆祈禱。六時稱念大悲觀世音菩薩。祈速賜甘霖。以蘇民困。該林林長新雲鵬氏。以老法師爲法爲人不辭勞

真宗十講附真宗教旨

全書一冊 定價一元五角

本書爲日本小栗栖香頂上人用中國北京話講演。後人龍藏筆記。香頂上人以弘法偉願。於晚清來華。創設東本願寺於滬上。精通漢文。能以漢語說教。所述印度中日佛法之淵源。與夫社會感化之情形。慈愛之情。溢於言表。日本淨土真宗。由親鸞上人開宗。已歷七百餘年。今香頂上人對於真宗通理及淨土三經大旨。和盤托出。並附真宗教旨一章。雖極簡略。但於真宗要義。得其梗概矣。

。深表感謝。老法師一片婆心。又講經又祈雨。六五高齡。忘軀爲法。更爲鄙人極表感激。可謂釋迦再來。見者無不歡喜得益。各位應深生慶幸。齊發菩提之心。共護法會。此則鄙人所深望者。又世間法不出正心。誠意修身齊家治國平天下。以及三綱五常八德等。出世間法不越五戒十善六度四攝等。二諦圓融三昧正印。除此兩條光明大道以外。並無他途可觀光明。深望各位身體力行。際此時丁未劫。欲使世云。界和平。人民安樂。非竭力提倡佛法不爲功云云。

佛學月刊二卷一期出版

北京中國佛教學院佛學月刊社編行之佛學月刊第二卷第一期。已於七月一日出版。內容益精彩。計有梵語系及巴利語系轉法輪經的比較研究及會譯。安居自恣儀。梁武帝之創建及其發展。唯心說。談末那識。華嚴宗之創建及其發展。小志。擔板雜經。佛化小詞。通州燃燈佛塔瞻禮。在家青年學佛談。佛學與學佛。浴佛節法會記等論文廿余篇。文義並美。均極精到。該刊自二卷一期刷新陣容後。益為各地讀者所稱許。訂戶激增。茲為便利中華南讀者起見。特委託上海愚園路一五四號佛學書局代訂。全年儲備券六元。(聯銀券二元)

弘一法師擬閉門養靜並編輯律書

佛教公論社通訊員來稿

律書

引一法師年老力衰。靜神尤弱。近由諸善友勸
諸。不久即閉門養靜。謝絕見客及通信。又凡
有託寫字者。亦於可能範圍內減少。將來靜中
康健時。並擬編輯律書數種。以後之仕處。或
有斷絕。或往他處。隨意聚散。無有固定之志。

更趨戒道濟師飲酒食肉。愈使天下之人。得以藉口。今慈濟濟世為懷之濟生會中。持戒者固多。而肉食者亦復不少。而皈依三寶。念佛求生者。竟寥寥若晨星。其他各處凡壇。魚羊蝦蟹等類入壇宰殺。莫之顧忌。其為養濟濟祖。莫此為甚。要知古今賢聖。莫不具有仁心。說文註不殺為仁。天下決無往貪口腹之君子。豈有忍心害理之神僧。不持齋戒之羅漢。好事養養之菩薩。勸人宰殺之活佛。道濟宋之神僧。其誘掖方便。普度羣生事蹟。備載神傳傳中。歷劫以來。不犯殺生等戒。故得六通自在。證阿羅漢果。成菩薩道。按其游化無方。或有飲酒食肉。是大權菩薩逆行示現。幻相密化。勸進行者。正為衆生初發道心。信根未固。多逢怨障。易于破戒。恐其道心退沒。引令趣向佛道。不思議相。要非凡情所可測度。引令趣向佛道。誠非佛意。故曰。世人學我者。墮地獄。不學我者。入天堂。沉痾之言。正謂此也。觀其飲酒為佛裝金。吞鴿吐出飛去等種種神通。可以信矣。或謂修行只要心好。何必持齋。不知日日殺生害命。將弱者之肉送入我口。良心之惡。恐無此甚。此鄙人敢以竭誠勸諸貴會諸大知識。當學濟祖因地之持戒念佛。超脫輪迴。乃至證果。區區之忱。當蒙納受。

乃至證果。區區之忱。當蒙納受。復次。持不殺戒。即儒教之仁也。苟非我之所有。雖一毫而莫取。伊尹一介不取。千古傳為佳話。持不偷盜戒。義也。夫婦以外。見色起意。皆為邪淫。修行人所犯固鮮。然而業緣湊合。情不自禁。能制其心。邪淫自息。持不邪淫戒。禮也。以是為非。以非為是。未得謂得。

兩舌不惡口。不綺語。信也。酒能亂性。飲之昏迷。邪見橫生。最為行者所忌。昔有五戒居士。因賞佳節飲酒。鄰雞入園。烹以佐餐。犯殺盜兩戒。鄰婦來詢。答言無雞。犯妄語戒。酒醉調戲鄰婦。犯邪淫戒。是因飲酒故。破除四戒。行者應受酒戒。尤為勝妙。持不飲酒戒。智也。經云。受持一戒。有五護法神佑護。如是五戒具足。加以念佛求生。事半功倍。必蒙觀音垂手摩頂濟祖歡喜讚歎。臨命終時。隨侍彌陀接引。了生脫死。離苦得樂。誠萬修萬人去之簡捷圓頓法門也。

諸上善人。夙具善根。皈依濟祖。扶乩勸化。判方濟世。經營善業。歷有年所。修福生天。理固宜然。唯此世間福善。非出世證果法。天福享盡仍受輪迴。沉淪業海。苦不可言。況各地臨壇。未必皆係濟祖。靈鬼憑乩。冀求供養。弊竇叢生。更難言喻。印光大師生前闢乩。具有深心。然而壇語可信。佛語何可不信。濟祖是師。彌陀是真我師。倘僅皈依濟祖。而不皈依佛寶法寶。於法既難圓滿。則雖種植善根。亦難往生淨土。奉勸各本濟祖慈悲度生之宏旨。及早奉齋念佛。讀誦佛經。勇猛精進。一生成辦。將一毫之善。悉以回向西方。為往生助行。則蓮池海會。得證菩提。不勝馨香祝之。宗事為我海門學佛大居士雨亭先生之長君。自幼嘗從懷游。性識敏慧。稟承家學。皈依印師。長齋持戒。精進不懈。比年以來。復發願宏法利生。憑廣長舌。在在處處。普化善信。每一講經法會。聽眾動累千百。因而發心皈依三寶者。不一而足。今春二月十九日大士聖誕。在崇明濟生會演講法要。闡明

戒嚴精義。閱其演詞。對證法要。詳盡譬喻。仁言諄切。澄乎窮表。而文筆又潔淨暢曉。質而不俚。可以行遠矣。嗟夫。浩劫當前。殺機遍地。共業所造。慘毒無窮。而凡衆昏昏。仍不知警。甚至已蒙佛化者。亦復顯犯殺戒。以口恣腹之慾。是亦不可以已乎。宗導本菩薩心腸。播警世語文。在當今實最為契機。亦最為切要。循閱之餘。感佩无量。爰識數語於其後。

民國三十一年壬午仲春東吳鹿懷跋



文錄

蘇州西園戒幢律寺同戒錄序

圓瑛

夫毘尼久住。正法昌明。是以我佛。既拈花於靈鷲山中。復扶律於涅槃會上。誠以戒為無上菩提本。能生一切諸善法。故金河願命。垂矚殷殷。阿難問佛。佛在世時。我等以佛為師。佛滅度後。我等依誰為師。佛曰。波羅提木叉。是汝等大師。則戒法之尊重為何如耶。楞嚴經云。攝心為戒。由戒生定。因定發慧。是則名為三無漏學。足證戒為定慧之初基。亦為修證之根本。尸羅不清淨。禪定不現前。無礙清淨慧。皆從禪定生。是知十方諸佛。定慧力以自莊嚴。莫不由於戒法之所成就也。我等出家修道之士。自當以戒為先務之急。三業清淨。三學增進。三惑消除。三德圓滿。而佛道可成矣。六淨大和尚。住持戒幢。荷擔重任。以

有。事。舉。解。旋。擊。贊。襄。期。擊。故。得。傳。授。三。壇。就。就。四。衆。雖。自。性。本。來。無。染。不。妨。隨。順。修。行。戶。波。羅。密。深。望。諸。佛。子。秉。承。戒。法。嚴。淨。身。心。止。作。雙。持。開。通。無。犯。穩。泛。戒。舟。於。法。海。誕。登。道。岸。以。道。遙。又。豈。猶。獨。不。負。出。家。初。心。亦。復。可。滿。出。世。大。志。聊。書。數。語。以。表。隨。喜。讚。歎。之。忱。云。爾。中。華。民。國。三。十。一。年。上。海。圓。明。講。堂。六。五。沙。門。稻。光。圓。瑛。謹。序。

壽序

廣覺

叢林中多好身手。然捨武技外。求其能光大佛門者。殊不多覩。今乃見之於妙月長老。長老闍之晉江人。幼嶷異長。喜習武性。與人殊落若不可合。而排難解紛。則勇往直前不稍却。人以是稱之。某年罹病幾殆。遂動出世想。禮朝

天宮性堅老和尚爲師。披髮跣足。旋受具戒於南普陀寺。繼傳廈門妙釋寺原意老和尚衣鉢。會臆玉老法師講佛嚴經於鷺島。往就講筵。即領輝大師者尤女旨。至是而仰其名者日衆。有禪輝大師者尤器重之。延主泉州紫帽山普照寺。師乃領衆辦道懋地種植。實行農禪。暇仍研習武技。而禪術先進林九仙爲師。盡得其奧捷之說。乃大進無取與形之說。一戰身手者。遂有鐵羅漢之號。亦以其形貌肖故耳。復明醫理。受其惠者。指不勝屈。遂多離金助師。重興開元崇福寺。寺爲宋代所創。頗敗亦甚久矣。而師修葺之。不辭勞苦。

瘁。俾參學者有辨道之處。是大有造於法門也。其高足常凱師。以師六秩壽辰任通。函徵詩文以爲壽。納嘉師之足爲後學模範也。因不辭誼陋。就所知者。略述其崖略。實未能發師之密行與隱德也。是爲序。

無量壽經四十八願頌

許聖謨

而今彌陀佛。往娑伽羅法藏。攝取淨土。莊嚴極樂邦。發四十八願。願願皆酬實。其願無求苦。惡道名亦忘。但受諸快樂。衣食自然香。總無生法忍。那羅延身量。俱止串通力。俱養遍十方。一生即不異。壽命永無疆。十念止西方。薩。凡學同一堂。衆生義障重。十念止西方。女欲作丈夫。博生便吉祥。若求辯無礙。常念無量光。凡此諸大願。沁入我心腸。歡喜頂戴受。熱惱化清涼。佛願即我願。我願佛自詳。我承斯願力。往生觀覺量。更以此大願。回入堪忍鄉。普勸名利客。莫爲死生忙。持名入願海。同上大慈航。凡我所欲說。彌陀大願王。凡我所欲寫。彌陀大願王。頂禮千百拜。彌陀大願王。蓋此身供養。彌陀大願王。

題小孤山詩并序

空前

安慶迎江寺。本公大和尚。到復興鎮主持佛
七。代佛宣揚。予承邀恭與法會。大餐法喜
圓滿之日。又蒙小孤山住持竹鏡大師。東
邀伴和尚登山遊覽。遂於大智妙吉祥菩薩
誕之日。隨和尚及本海師承悟淨山廣寧神
成諸師上山。登覽之餘。咸以梳粧等謬傳爲
有汚魔神明之罪。予因謂予前登鄱邑韓山仙
姑巖之梳粧亭。見四壁文人筆墨。均以梳粧
爲韻事。篇篇盡致。予暗傷之。遂破以句云
。仙姑何用乃長粧。默笑見人太荒唐。和尚

與諸師稱是。命再賦詩於此。以闡謬傳。爰賦七律二章。懸諸壁間。以告來者。

小孤山上又登臨。景物居然大變更。眞面廬山今恍惚。河名御筆竟填平。喜看翠竹仍舊色。怕聽驚濤巨吼聲。令我私衷深念處。愛他遺世表無爭。

小姑林姓死爲靈。坐鎮斯山因得名。對鏡梳粧殊蔑視。選郎自嫁污非輕。凡心只應凡人有。神德還須神聖明。燕雀不知鴻鶴志。憑空飛集作狂鳴。



論說

修行不宜希冀神通辨

來稿未署名

修行之主旨。無非求免生死煩惱而已。『真爲生死。發菩提心。』此微悟禪師教人發心修行之要也。若不如此發心。而欲藉修行工夫。得種種神通。是欲遊戲法門。而失修行之旨矣。蓋神通妙用。本修行人證果後自然而得。非修因時便可強致。有心強致神通。縱有所得。亦必有損而無益。今請即其事理而引伸之。接神通通有六。一天眼通。二耳通。三他心通。四宿命通。五神足通。六漏盡通。古人云。『五通神仙。六通羅漢。』五通。謂天眼。天耳。他心。宿命。神足。其六。漏盡是也。得前五易心。得後一難。惟其易也。故神仙有之。天人魔鬼等間亦有之。至於後一。非至阿羅漢（小乘極果）地位不能證得。漏。漏盡也。由貪瞋

止。故名爲漏。動修戒定慧之三學。斷盡煩惱。故名爲漏盡。以此知後一既得。自該前五。但得前五。而不待後一。退墮堪處。譬諸濁水。以明攀投之。可以立見清相。但以泥沙未去。一經攪動。仍然復現濁相。昔財順藍弗。得非想非非想定。因入王宮。偶觸妃手。遂不能自由。故曰。纔興一念欲。便失五神通。明處淳熙在天目山死關靜修。久之。遂有先知。蓮池大師寄書力斥。謂彼人於魔窟。後遂不知。此其明證大驗也。古德深知其故。雖有之而不輕顯現。如梁寶誥道香等。生平無所表見。至臨終始微露端倪。誌公言梁武帝江山隨塔崩。道香吐血蝦蟆族示衆。聞誌公香讚之語。即便化去。唐善導大師乃有登樹投身之語。士。以稱名教人。至示寂乃有登樹投身之語。師一日。忽曰。此身可厭。吾將西歸。登寺前柳樹投身而逝。此亦皆以表示神通之不足貴。修行人不必心生希冀耳。

論曰。人類之性神性皆同。而習性各別。修行之道。固不可一概論也。然竊觀如來設化。貴斷三惑而證一真。所謂大事已明。如獲考妣。向欲以磨火餘光。眩耀於生死苦海耶。每見蜚蜚者。以預知未來爲得道。矜奇好異。智者所在不免。夫視往知來。可知百世。孔子不聞識緯術數之端。知其白。守其黑。老子不啓丹鼎符籙之教。孔老世間善法。猶復如是。矧如來真等正覺。爲出世善法。可以輕心。躁心。著相求之哉。世之懷此成見者。苟不以人廢言。如大舜之捨己從善。不佞驢香祝之矣。

閱藏論

浩乘

近者方便捷關。閱藏於三峯。謹論其經驗及感。法種。大悲濟世。僧伽之專責也。然佛深入經藏。帶得悟悟。則道學長。智慧胡生。第三藏寶量深廣。微復心靜慮。偉志宏願。決望洋洋而往。每讀一部。必付其能授之權實。所受之利鈍。敷演之動機。化世之效用。然後撮其要。吸其精。烙印於八識田中。則應用裕如矣。但欲善其事。必利其器。器者何。辭典筆記等參考書也。而所閱經典。當以頌伽及續藏爲善。蓋其字體適中。句讀確贓。印刷精良。本式便利。至年適目眩者。則龍藏爲宜。此普通閱藏之方案也。苟約閱者之志趣言。如習某宗可專讀一系之書。究教史可搜羅傳衍之迹。乃至雕刻也。詩文也。繪畫也。各取所需而類別探討。是爲閱藏之又一規格。要之。藏經乃佛法之寶庫。如海之無水不容。地之無物不生。我曹欲獵教海全豹而免摸象。殫法味精髓而得指月。含靈誦唱唱其間。則茫茫何從。矧閱藏時。草莽然一心不亂。功埒念佛。寂寂然三業清淨。行超諸經。且於身心之修養。性情之陶冶。儲精蓄銳。磨勵以須。可獅吼天下。自覺覺他。故閱藏洵入佛之門也。

寒苦出好僧

馬志芳


涉淤泥而不染。處糞塗而獨輝。是花也曰菊曰蓮。蓋處糞塗而獨輝。是菊之所以貴。涉淤泥而常淨。乃蓮之所以尊。以有異常之特色。名爲世之君子花。非時鮮春卉所能比。茲有落水窮僧。法名良緣。十載苦攻內典。衣破每不蔽體。抱特殊之志氣。護明珠之戒體。初旅杭地。一鉢僅堪。考察諸祖聖跡。閩官拒不許入。

識其法門賢人。及其服務難民所。類多隨風而倒淤泥。與陳草爲伍。唯師挺然獨立。始見水落石出。寒暑養成傲骨。處淤泥而常淨。夫歲寒然後知松柏之後凋。則運菊松柏比師志行而不異也。故靜修老人贊爲八風不動。火銀金蓮。普告兩序而誌之。爰是杭人始聞賢名。羣老亦表器重。漸多請求講演。約計二十餘處。如監獄。救濟院。勸文中學。貧兒工藝所。廣播電台。市東大戲院(前名市東商場)每度臨講。濟濟滿堂。該校簽到一百二十餘人。唯該戲院座滿一千三百五十餘位。足爲空前盛況。良由品行合乎道德。法語合乎時需。故蘇建廳長。李聖一老居士。題贊施廣長舌。杭典獄長。敬書孝子仁人。慈悲苦行。原夫法運臨末。龍蛇混雜。世風日頹。孝義淪亡。而師因母亡哀極。夢觀血湖苦難。痛不欲生。竟行人所不能行之苦行。砍一指而供佛。求聖靈而救母。孝行融及。閭里驚欽。世嘆僧門缺人。今今該師弘化勝跡。驚世孝行。不禁敬使肺腑。安得不發一言。並引修崙法師敬師紀念偈。以作余結文。偈曰

每憶先母哀斷腸。數夢慈容痛感傷。立志求道報親恩。割髮斷指事空王。絕食期同赴冥路。誦經轉母入蓮邦。哀哀孝子寸草心。仰乞天佛共鑑賞。

舉世盡從忙裏老

誰人肯向死前修



答瞿建龍問二十九則 幻庵

答 一、衆生供佛。猶弟子事師。但盡弟子之禮。不論師之需不需也。故十方諸佛雖不需花。極樂衆生以花供養。既盡其禮。亦得福也。

答 二、阿彌陀佛。現在說法。非常在說法。問語有誤。

答 三、觀經是因韋提希之請而說。韋提希既爲自請又爲末世衆生請。故觀經法門。末世衆生皆當依教奉行。金剛經色見聲求之斥。就但以色聲見求者說。觀經云。是心作佛。是心是佛。今離心而求佛。宜其不能見矣。故金剛觀經。義實一貫也。

答 四、波羅密與波羅密多。無別。蓋梵語尾音。或譯或省之故。又阿闍黎此云親教師五、佛弟子不食雞蛋。爲恐殺生。與不食肉類。義同。世俗葷素二字。義實不確。六、淨宗之往生佛國。密宗之三密相應。禪宗之明心見性。律宗之束身攝心。皆爲初步之成就。若論究竟。皆以成佛爲目的。初在顯教。以毘盧遮那佛爲釋迦佛之法身名號。即一佛也。在密教。以毘盧遮那即大日如來爲主。以餘佛爲其眷屬。猶是一佛所化。阿彌陀如來即是極國佛也。

答 八、關

答 九、阿彌陀所說之法。與釋迦佛所說之法

答 相同。故釋迦佛教分衆生往生開法也。十、天台宗說佛教法。藏教爲教化凡夫。令解脫生死。成阿羅漢。通教爲令阿羅漢發大乘心進修菩薩道。別教爲鈍根菩薩。漸修菩薩法門。圓教爲利根菩薩頓修菩薩法門。後三教。以成佛爲究竟。藏者經律論三藏。通指一切教。專指小乘教也。通者由小乘通入大乘之意。別者漸次修進階級歷然。圓者。頓成具體。圓修無階。卽字是佛胸前紋相。取萬德莊嚴之義。故讀音同「萬」。

答 十一、自在王佛涅槃後。示生何處。及錠光如來前有何佛名。經上未見。不得而知。

答 十二、識是六道衆生之心之通稱。鬼爲六道衆生之一。當然亦有識。人死爲鬼。卽由人識變爲鬼識也。問云佛教說識而不說鬼。未免誤會。

答 十三、娑婆世界首先說法者不是燃燈佛。今是否在極樂世界。不得而知。經無明文故也。

答 十四、釋伽佛涅槃後。住常寂光土。此土爲法身佛所依。釋迦佛雖涅槃。而法運未盡。現在第九小劫中猶是釋迦佛法住世。彌勒佛出世。在第十小劫降劫之初。尙須八百四十萬五千年許。

答 十五、娑婆世界之人類。若論本劫世界初成。先成色界天。次成欲界天。次成人世界。人世界初成時。光音天下降。食地味後。不能飛昇。及食自然稻後。乃有男女。因有配偶。而人類以生。佛經所說如此十六、幻地卽古農之今號也。

答 十七、三摩地卽三昧。此云正受。卽定之別名。三善提此云正覺。卽智之別名。十八、佛教經典。分三大類。卽經藏律藏論藏。故云三藏。言藏者猶世典之稱四庫也。十二部者。非整齊之稱部。乃佛說法之方式內容等別。故又稱十二分教。十二者一長行。二重頌。三孤起頌。四授記。五因緣。六本事。七本生。八無問自說。九譬喻。十方廣。十一未曾有。十二論議十九、佛教談空說有。皆是應病無藥。若論實際。非空非有。中道教也。

答 二十、藥師佛能以法力治衆生身心二病。若云治身病。卽醫藥師矣。眞言宗之卽身成佛。就修法三密相應時言。非謂報後蓮華化生也。

答 廿一、色心不二者。謂其體不二。心爲能變。色爲所變。如金作器。心佛亦然。佛身相好與色不異。

答 廿二、居士林曾有近代住生傳之輯。今弘化社出版之淨土聖賢錄中已有採入者。

答 廿三、彌陀經說彌陀佛歷史。及稱名功德。爲啓人信願。若信願已深切者。祇須稱名可也。此非優劣問題。

答 廿四、對於異教。應依理開示。無所謂強好態度也。

答 廿五、宗下稱禪師。教下稱法師。沙門印度語。出家人之通稱。禪門我國語。叢林規模之寺院也。

答 廿六、人類(衆生同此)由種子識而成。種子具有色心二法。四大種卽是色法種子。業種子。是心法中之思心所種子。則自耳之。謂由業種子結合所取之色心種子而成一

答

答

答

答

答

答

答馬友龍問七則

幻庵

附錄時之增長。極云「識由業障乘四大起」是也。然此種子識。非一非異。故非一元又非多也。
廿七、嚴供釋迦三佛者。表十方佛也。供西方三聖者。表蓮池海會佛菩薩也。各有取義。不屬是非。
廿八、見俱舍論。論依阿含經。
廿九、佛歷據我國以周昭王甲寅歲佛降生。迄今壬午為四十九周年又二十九年故應為二千九百六十九年。今通用西歷者為世界交通取便之故。乃政治上問題。非關宗教。不必執也。

一、我國淨宗念佛音聲。本依各地方音。並不一列。欲改正之甚難。正如來問所云。我意既不是密宗。可不必定照梵音。惟須審知有無量光壽之義為要耳。
二、六字念多歸敬義。四字念多讚歎義。平時可以參用之。至飭終則以六字為宜。
三、淨宗不論何時。均照一時念法。即香讚上香。三拜彌陀經一遍。往生咒三遍。阿彌陀佛身金色偈。接念南無西方極樂世界大慈大悲阿彌陀佛一稱。佛號數百千聲。觀音勢至清淨海衆各三遍。同向文或偈一遍。三自皈三拜。
四、業障太重之人。臨終不能念佛。助念者應在其耳邊擊小磬數聲。一人大聲教其念佛。兼開導之。必使感覺而後衆人齊聲同念。

答

問

答

問

答

問

答張海禪居士問三則

幻庵

五、賊及行爲失檢。再三勸之而不改。令其出社可也。
六、事務牽纏。不能安心念佛。當念無常。求佛接引。早晚十念。決不可缺。
七、十八羅漢中除觀音彌勒化身外。本止十六。名號居處。見大阿羅漢難提蜜多羅法住記。

一、蒙指示中除身只。尚有不明了處。既在四十九日報生矣。何以有死後數十年。仍能作祟附體。忽令人如瘋哭笑。忽又氣脈斷絕。俟過來後。問伊亦不知所以。似此當何以處之。乞指示。
附體作祟者。已報生鬼趣矣。鬼有報得通。能知宿世事。故就有緣者而作祟也。
二、供佛香花。懺儀云如法供養。不知作何姿勢。方為如法。乞示。
雙手捧香花。舉起齊眉。口誦願偈。心作觀想。此為如法也。
三、悉檀二字何解。何謂四益。
檀即檀那。布施之意。悉檀即普施也。此謂法施能令聽者悉得利益也。令得歡喜益為世界悉檀。令得生善益為為人悉檀。令得去惡益為對治悉檀。令得入理益為第一義悉檀。

自他兼濟。彼岸同登。
斷生死流。出愛欲海。



消息

崇明佛教居士林成立

崇明佛教居士林林舍先建大殿五間。(東西側廂正在規劃進行中)中供西方三聖及釋迦觀音等像。殿宇宏敞。佛像莊嚴。本年三月申裝修完竣。計需費一萬餘元。四月初二起慶祝釋迦誕辰念佛七天。每日下午請由海門施宗導居士演講講門品。並由了道法師講述釋迦應化事略。法師居士辯才無礙。如瓶瀉雲。與十方善信與會者千人。法緣殊勝。洵稱希有。本林為宏揚佛乘。將設佛學研究社。以期滋島有情。同登極樂云。

南京佛教會理事長易人

南京佛教會理事長一職。向以一年為期。故竺善和尚自去年六月間被選後。迄已一載。茲以任期已滿。於本年六月六日召開改選大會。當場選出吳虛寺住持務道和尚為繼任理事長。按務道和尚學識湛深。經驗宏富。素具宏揚佛法。福利人羣。及整理佛教制度之志願。被選後。對於會務頗多發展。首創佛教診療所及佛教月刊。凡能力所及。不遺餘力。首創佛教前途。從今當可放一異彩矣。故各方對此次務道和尚之當選。咸認為得人云。

趙縣柏林寺興工重修

柏林寺計劃重修。會由本縣伸董議決。估計工程。呈准縣官各署。成立委員會負責進行。選舉王懷古為委員長。南悅民閻益齋白雪五為副委員長。並舉捐募。會計。文書。外交。工

